



## **Concello de Trazo**

### **II CONCURSO DE CARTEIS 25 DE NOVEMBRO. DÍA INTERNACIONAL CONTRA A VIOLENCIA DE XÉNERO.**

#### **PREÁMBULO:**

O Concello de Trazo convoca o II Concurso de carteis 25 de novembro, día internacional contra a violencia de xénero.

Este concurso convócase co obxectivo prioritario de conseguir unha sociedade igualitaria máis xusta entre mulleres e homes e denunciar, visibilizar e sensibilizar contra calquer tipo de violencia de xénero.

A igualdade entre mulleres e homes é un dereito fundamental para todas as persoas e constitúe un valor capital para a democracia. A fin de que se cumpra plenamente este dereito non soamente será recoñecido legalmente, senón que ademais exercerase efectivamente e implicarase en todos os aspectos da vida: políticos, económicos, sociais e culturais.

#### **BASES**

##### **PRIMEIRA.- Obxecto**

As presentes bases teñen por obxecto regular o proceso de concesión do II Concurso de carteis 25 de novembro, Día Internacional contra a violencia de xénero 2020.

A finalidade deste concurso é fomentar os valores igualitarios, mobilizando á sociedade e desenrolando condutas que teñan como obxectivo:

- eliminar todo tipo de violencia de xénero
- fomentar a sensibilización, información, reflexión e denuncia sobre a violencia que sofren as mulleres principalmente
- suscitar a aparición de actividades críticas e creativas
- promover a aparición de novos artistas

A obra gañadora poderá empregarse como imaxe para conmemorar actos municipais.

##### **SEGUNDA.- Participantes**

Poderán participar:

- menores matriculados en 1º, 2º, 3º e 4º da ESO no centro educativo de Trazo
- demais poboación de 16 ou máis anos



## Concello de Trazo

Poderán presentar individualmente ou en grupo un cartel abordando a temática da non violencia de xénero.

### TERCEIRA.- Temática

O premio concederáse ó cartel que no marco da conmemoración do día 25 de novembro día internacional contra a violencia de xénero pretenda sensibilizar e dar visibilidade a lacra deste tipo de violencia

### CUARTA.- Formato

Medidas: o cartel poderá presentarse en formato DIN A3 ou A4; en folio ou en cartulina

A obra non poderá ir asinada co nome.

O idioma empregado será o galego

### QUINTA: Premios

Outorgaranse premios por categorías:

- 1.- Premios para alumnado de secundaria de 1º e 2º ESO: cheque de 100p
- 2.- Premios para alumnado de secundaria 3º e 4º ESO: cheque de 100p
- 3.- Premios para categoría de 16 ata 60 anos: regalo de un vale de 100p para desfrutar dunha comida ou cea nun restaurante do concello; a elixir por parte do/a gañador/a
- 4.- Premios para adultos de 60 anos en adiante: regalo de un vale de 100p para desfrutar dunha comida ou cea nun restaurante do concello; a elixir por parte do/a gañador/a

O concello de Trazo resérvase o dereito a facer uso da obra premiada, cedéndolle o autor os dereitos para que a Concello poida empregala para calquera campaña de sensibilización e información das actividades municipais para a conmemoración do día da non violencia contra a muller.

### SEXTA.- Prazo e forma de presentación dos traballos

**Prazo:** O prazo de admisión de obras será dende a publicación das presentes bases na páxina Web ata o día 17 de novembro.

**Forma de presentación:** os traballos entregaranse no sobre 1 pechado. A obra será identificada pola parte de atrás con un título. Dentro deste sobre métese outro sobre



## **Concello de Trazo**

pechado (sobre 2) co título da obra no exterior e no seu interior a folla de aceptación dos compromisos da convocatoria cos datos requiridos.

As candidaturas presentarase no Departamento de Servizos sociais do Concello de Trazo ou na conserxería de secundaria.

### **SÉTIMA.- Composición e actuación do xurado**

O xurado estará presidido pola alcaldesa municipal Josefina Suárez López e formarán parte del persoal do Centro de Información á Muller da comarca de Ordes, a traballadora social e a educadora familiar municipais. Este equipo elixiran as obras gañadoras

A secretaria municipal será persoa encargada de abrir o sobre (2) da obra que resulte finalista.

O concello resérvase o dereito de modificar as condicións en calquera momento, incluso podendo chegar a anulalo ou deixalo sen efecto sempre que concorra causa xustificada, en todo caso comprométese a comunicalo pola mesma vía.

Así mesmo, o xurado poderá declarar deserto algúnha categoría, en caso de considerar que ningún dos traballos presentados non reúne os méritos suficientes para ser premiados.

### **OITAVA.- Prazos de concesión e entrega dos premios**

A concesión do premio decidirase antes do 25 de novembro e darase a coñecer a través dos distintos medios de difusión municipais

A entrega de premios terá lugar no edificio de usos múltiples o día 27 de novembro.

### **NOVENA.-**

Non se devolverán os traballos presentados e non premiados.

### **DÉCIMA.-**

A participación nesta convocatoria supón a total aceptación destas bases.



**Concello de Trazo**

Viaño Pequeno, 14  
15687 Trazo (A Coruña)  
☎: 981 689 001  
☎: 981 689 035  
WEB: www.concellodetrazo.es  
Email: correo@trazo.dicoruna.es

## **II CONCURSO DE CARTEIS 25 DE NOVEMBRO. DÍA INTERNACIONAL CONTRA A VIOLENCIA DE XÉNERO.**

FOLLA DE ACEPTACIÓN DOS COMPROMISOS DA CONVOCATORIA

DATOS DA PERSOA PARTICIPANTE

Nome e apelidos.

Data de nacemento

Curso:

Enderezo:

Teléfono:

**NOME DA OBRA:**

Outros datos:

A participación nesta convocatoria supón a total aceptación das bases, cedéndolle os dereitos para que o concello de Trazo poida empregar o traballo para calquera campaña de sensibilización e información das actividades municipais relacionadas coa temática.

Lugar e data \_\_\_\_\_

(sinatura da persoa participante)

**\* Este documento engadirase no sobre pechado (2) depositado no interior do sobre (1) que contén o traballo.**

Trazo, í .. de í í í í í í í í í de 2020

A alcaldesa

Josefina Suárez López